




PERSEVERA

Un página di kurashámentu i guia spiritual pa
miembronan di Scouting Antiano



Aprèl 2012

Edishon 15 Aña 2


God draagt je

Wilt U een lampje
schijnen
Op mijn pad?
Zodat ik kan zien
waar ik ga
Want het is
steeds zo glad

Wilt U mij
ondersteunen
Als vallen dichtbij
is?
Zodat ik weet dat
U naast me loopt
En nooit Uw
liefde mis

Wilt U een arm
om me heen
slaan
Als ik het niet
meer weet?
Wanneer de
problemen de
overhand nemen
En het me van
binnen opvreet.

Wilt U me optillen
Als ik tussen hel
en hemel zweef?
En dat ik zal zien
als ik terug kijk
Dat U mij
gedragen heeft!




Honesto.

Un hende honesto ta un hende ku ta stima bèrdat i ta biba ku bèrdat. Un hende honesto pa ku su mes, ta rekonosé tur su kualidatnan, bon i malu sin sakrifiká rèspèt i amor propio. Su siguiente paso lo ta di oumentá loke ta bon i drecha esnan ku ta robes. Un hende honesto no ta prediká bèrdat so, pero ta demostrá den tur su hasi ku honestidat ta su fiel kompañero den bida.

Pa lanta un famia honesto, mayornan mester ta honesto den nan trato ku e yunan. Esposonan mester ta honesto ku otro; nan mester por konfia otro i respetá otro i esakinan: konfiansa i rèspèt ta e fundeshi di mas fuerte ku ta eksistí pa amor berdadero nase, krese i bona.

Un hende honesto ta manera un faro den orka di bida, pasobra bo por konta ku su lus di honestidat. Felis esnan honesto, pasobra nan no konosé ansha di mentirosonan. Honestidat ta liberá hende, yen'é ku pas i trankilidat. Tin biaha un hende honesto ku ta papia bèrdat no ta haña e akohida ku e meresé, pero e tin di perseverá den loke e sa ku ta bèrdat, loke ta honesto pa su mes, su famia i su próhimo. Si honestidat kuminsá reina den nos komunidad, nos pais lo por bira e paraiso ku nos tur ta soña kuné.



Dios ta eksistí ?

San Anselmo i otro religiozan di Iglesia a yega di desaroyá argumentunan ku ta proba ku Dios ta eksistí. Mas despues e pruebanan aki a keda perfekshoná pa San Thomas Aquino. Nos por komprondé ku no por eksistí un efekto sin ningun kousa i kousa di tur loke tin rondó di nos ta Dios. E ta e promé kousa "i ku nos tur ta yama Dios". Diferente na loke ta kreá, E no ta dependé di nada ni ningun hende. E hecho ku den mundu ta eksistí un bunitesa i órden nos ta papia di un ser supremo responsabel pa esaki.



Nos no por aseptá sin mas ku ta eksistí un obra di arte sin un artista. San Pablo ta bisa nos tokante esunnan ku no ta kere: ' loke ku bo por konosé di Dios, ta manifestá den nan: Dios a manifestá esaki. Pasobra e loke ta invisibel di Dios, for di kuminsamentu di mundu E ta laga mira e inteligensia atraves di Su obranan: Su poder i Su divinidad' (Rom,1,19.20). E pruebanan aki ta sirbi pa proba eksistensia di Dios i algun di Su atributonan. Pero e kristian no ta limitá su mes pa konosé esaki. Nos tin tambe e revelashon Divino. Es desir, Dios a laga nos konosé. Kua rason nos tin pa kere den e revelashon aki? Nos ta konfia den e testimonio ku Dios mes a revelá na nos. Dios ku ta bondat infinito no por gaña nos. Nos sa ku Dios ta revelá Su mes den eskrituranan i den tradishon pasobra nos ta konstatá Su efikasidat den historia i den nos propio bida. Si nos ta honesto nos ta topa den Su palabra e bondat supremo ku te den nos konsenshi nos ta sinti.